

周易屬辭通例通說

邑侯楊雲甫先生示馬宗周唐起尉劉兆彭書

遙遙數千季間四聖人共訂一經其理與數百家莫
殫故自漢以來易之訓詁浩如烟海學者第仍其說
而安之于理數直際豈盡確有所見耶蕭吉堂先生
大著周易屬辭獨能屏除諸說就象與辭潛心觀玩
觸類旁通無非廬山真面可見注經無他奇巧祇于
白文中作探討則妙義環生矣

國朝李文貞公註易多出自心靈不泥舊義斯編窮
理言數竝有文貞公所未見及者易學津梁舍此其

誰與歸學使丁虛園先生按臨在邇諸生急宜請序
行梓已公同好所深望焉

道光丁未荷月上浣湘川游人楊兆奎識

吉堂蕭君見示所箸周易屬辭因集易林
句爲讚題其簡端卽就

雅正

乾坤利貞上配太極陰陽變化終不離忒
三聖茂承與道合契德義旣生各樂其類
暗昧冥語因無所據未得入室相傳註誤
愛子多材日就月將握珠襲玉富如教倉
通理大道不失其節曠然大通簡易理得

配合相迎乍盈乍虛精誠所在不離其居
充實益有誰與共言周旋馳驟六藝之門
皆

道光丁未孟秋毘陵丁嘉葆

周易屬辭序

憶自束髮受書略通章句先贈公卽授已赤崖彭東
璧所集百家註易眾說襍糅罔知決擇稍長乃專授
已程朱傳義合併參詳雖猶有所得然時方留心舉
業于三聖人之精蘊仍未能有所發明也同年友蕭
君吉堂與余先後從學于森齋李先生其爲人淵默
靜深喜治經而其所專致力者尤莫如易始則博覽
漢唐來百數十家之傳註已究厥旨歸繼乃憬然于
易說之不盡是也爰屏去眾說冥心搜討偶有所得

輒手錄之歷十數寒暑今乃裒然成帙矣受而讀之
初嫌自創新例非漢儒篤守之道徐閱皆有經文足
証如三極三才讀易者不過謂易具天地人之道耳
吉堂則溯源于卦位卦字謂兌从儿介乾坤間有三
才之義又曰卦名証之泰否乾坤合卦繼曰同人明
夷上稱天地繼曰家人豐應天地數繼曰旅旅从二
人又曰卦數字旁証之謂天地數五十有五大過次
二十八得數之中彖爻三棟例取三極曰說文極棟
立訓爲據其說元謂元从一兀兀亦从一是元有兩

一一天一地其下人也元統三才故文王繫卦元第一字又曰大象証之謂乾稱天坤稱地咸稱人恆稱易二篇之首特示易兼三才咸前卦離稱大人恆後卦遯稱小人大象此三人字惟泰大象三天地與三人配又曰諧聲証之謂頤夷卦數六十三爻在泰三小象惟泰三一天地又曰字數証之謂卦彖爻人字五十有五兼天地數十翼地字百有二天字倍地字數人字百五十三倍之同天地數觸類引伸如合一契他說之奇闢巧合類是余思吉堂訥訥而說經竟

敢曰一家之言成一家之學蓋其卅年舌耕苦心孤
詣鬼神默牖其靈故能爲義經鑿險鎚幽如是余自
謝病旋里從學諸友有舉是經曰質者或漫無曰應
之今得此書亦可不窮于應矣昔森齋師格致編多
說易則是書之成不誠足曰輔翼師說而張吾同門
友講學之幟乎哉

咸豐二年陽月同學年愚兄李蹇臣

周易屬辭序

易自漢儒象數遠而機祥別而先天又自輔嗣清言醇以儒理印以史事兩派六宗之書盈箱累棟後人極研殆无出其範圍者矣吾友吉堂蕭君獨謂六宗中切人事者前賢已明不切者又非本旨作易起象數而孔子讀之乃至韋編三絕鐵撾三折漆書三滅必非漢諸家義例所能括也當吉堂始治此經亦僅集眾家爲解旣疑彖爻何以不厭相襲卽分條甄比帖壁鱗鱗然又計卦名八十字不同字七十有二彖不同卦名字百六十有四爻不同卦彖字異不同卦彖爻字各五百

有五十亦昔人未言遂屏去舊說取全經千三百三十
有六字依說文求其故訓析其偏旁緝其聲紐一切從
本經比例索解開卷茫无入處曰有乾爻五龍往來胸
中忽觸亢龍字以四龍爻變小過見飛鳥象而得仰觀
例睡中若有告經中字數非苟然者亟起坐取卦爻天
地大衍筮策諸數乘除按之皆應大雷雨集潦入室不
覺也以漸得凡例若干條旁推交通妙義環起乃著屬
辭十二卷別爲通例五卷通說二卷先後之其據繫辭
所舉二十二卦十九爻準天地數爲大有圖以綱領全
易又于二十二卦中三陳之履九卦就序卦雜卦次序

以通明夷之蘊與大有相發明又于十九爻中以中孚
七爻七乘之應大衍用數證大衍章古本所以直接七
爻尤大義卓卓能闡不盡言不盡意之祕唯其逐字求
象及于助語逐卦爻字求數頗疑簡易之道當不爾然
而持之有故言之成理古人言象數亦各就條例伸已
說吉堂沈思獨往竭十六年忘食忘寢十易稿以成此
書專精極矣易道廣大亦烏足爲病乎友芝始見吉堂
大有圖嘗擬以陳希夷見其別四聖取象嘗擬以胡雙
湖見其比例經文字句嘗擬以焦里堂然龍圖緣三陳
九卦自悟位數論者以爲易外別傳卦象圖略爲表識

未及推闡吉堂因經求義不襲前人與里堂通例章句
專比異同以通古義者分道揚鑣庶幾匹敵而其用心
之苦成功之難殆過之无不及也今年夏其門人輩醵
錢梓行吉堂命爲序因述其致功之始終與成書大旨
如此咸豐三年秋九月獨山莫友芝

周易屬辭序

孔子之贊易也曰聖人繫辭焉而明吉凶聖人繫辭焉以盡其言繫辭焉所以告又曰聖人之情見乎辭鼓天下之動者存乎辭又曰其辭文其辭危辭也者各指其所之詳哉於辭乎所以諄復詔人者以庖犧氏畫六十四卦渾渾然無文字學者欲憐其象貫其數會通其理以成已而成物非求之文王周公所繫彖文之辭不能也而因思孔子作傳乃所以發明文王周公所繫彖文之辭者也宋儒謂有伏羲之易有文周之易有孔子之易者吾惑焉爰是由

孔子之辭以求文周之辭而孔子之辭所謂十翼者自呂
成公更次王弼本朱子據之作本義如其說於古似合然
張守節史記正義稱上彖卦下辭下象爻卦下辭上象卦
辭下象爻辭以之斟楊子太玄用方州家擬卦七百二
十九贊擬爻為經其八十一首擬象者與攤瑩捫圖告測
文數衝錯諸擬孔子象傳文言繫辭說卦序卦襍卦者竝
在經外似楊子生西京所見易即是張氏云者比之呂朱
本為確而思之數十年所謂卦下辭爻卦下辭究不知於
今之易中何居也然則其為辭者且不能辨何由知其所

以為辭曉讀易其難哉吾友同里孝廉蕭君吉堂乃獨能
冥精潛思執經傳所用凡一千三百三十六字析之合之
透之錯之縱橫鉤鈇謂文王周公孔子用字各有定數因
推著其所以為辭者成周易屬辭十二卷屬辭例說七卷
余讀其書徒驚怖其都與昔言易者異所說蓋十之八茫
如也夫力數十寒暑乃得之而余欲知之旬日間其茫如
也固宜然亦有知為說易家所不可無者如初上往來例
困初往豐上故同云三歲不覿賁初往渙上則賁五為渙
四故賁五云邱園渙四云有邱賁上來歸妹初則賁二為

歸妹三故賁二云賁其須歸妹三云歸妹以須餘以此例求之多合又以乾五天德稱天坤二地道稱无不利惟大有上爻兼繫天祐无不利周公以此爻兼乾坤故孔子曰易窮則變變則通通則久是以曰天祐之吉无不利黃帝堯舜垂衣裳而天下治蓋取諸乾坤而天祐一爻又於繫辭上傳特明之意蓋以此繫辭傳所以特說鶴鳴在陰七爻憧憧往來十一爻及離十三卦而三陳履九卦又始履終巽者皆有說至為曲奧因畫成大有圖以中孚七爻為一六居下履九卦為二七居上咸十一爻為三八居東離

十三卦爲四九居西大有上爻兼乾坤爲天五地十居中
即孔子之言具河圖之數無餘無欠不假強爲實有莫知
其所以然者可不謂之獨得乎哉仲翔氏之言易也世推
於漢魏最精而爲其學者如終日乾乾夕惕若厲意以夙
夜憂勤云爾而謂離爲日坤爲夕坎爲惕否二體接乾生
乾故曰乾乾又首出庶物萬國咸寧亦兆賴一人云爾而
謂乾爲首震爲出坤爲國爲眾爲安諸它解例若是壹似
文王周公孔子之於辭字字必有一定排置而不可畧假
者恐聖人立言以詔天下後世之心不拘曲若是而以其

例通求之又似苟不如是即其辭不必如是云云者吾不
及見聖人而面問之也今吉堂此書其求聖人之辭之法
不與仲翔氏同而求得於辭之意則髣髴與之等於易家
足名一氏也已雖然中如傳合二十八宿十二律辰及六
書諸說余頗疑爲鑿可割汰不令蕪精善吉堂雖長余二
歲精力十倍予學養誠篤逐年以增於里中獨所敬畏其
學易必不以此書爲止也可知矣咸豐九年歲次己未十
月同學弟鄭珍拜手序

周易屬辭自序

自道光戊戌友唐君子固于英伯仲招館其家答諸子弟問易欲精揀眾說手輯一編曰便講習艸彙過半私怪彖文翼何曰一語而再見數見十數見此中必有義例乃悉屏舊說專取經文觀玩初如面牆積久倡得端緒因將同句同字同旁同音及不同字分彙鈔集又已全易一千三百餘字據許叔重說文逐一比勘漸次推出義例十數條不揣愚蒙僭編易例易注若干卷冀君子俾見之謂舊義新解時或閒襍

不若離之兩美乃畧刪節成彙繼改例增例頻增頻
改最後得直卦例遂逐爻變直爲主舊彙存者十不
過二三今定周易屬辭十二卷周易屬辭通例五卷
屬辭通說二卷大要卦彖字爲母爻翼字爲子析及
偏旁諧聲見六十四卦三百八十四爻互相闕通故
曰屬辭也初時屬辭繁乃箸通說曰分之又于通例
中箸解曰分之又于通例中箸十數類曰分之三編
離合彙取冥思默索獨往獨來遂閱十六寒暑中間
一質學使丁虛園先生獲正音韻之謫朋友申莫君

子偲點定商量始終無間偏旁諧聲補救尤多及門
唐生起尉常有參悟至鈔錄之功則前後來遊數百
人咸與厥事十易彙始成今本自疑頻年拘牽象數
且藏諸篋寬官居之當更有進于此者而學者慮彙
久失遺遽取鋟梓夫易廣矣大矣象數義理前人之
說備矣光遠錐指管窺何足言易哉惟已經証經時
有符合是或易中一說畧述原委就正有道云爾
咸豐三年蒲月望二日遵義蕭光遠書于畚經艸堂

周易屬辭目錄

首卷

乾坤二卦

二卷

屯蒙需訟師比六卦

三卷

小畜履泰否同人大有六卦

四卷

謙豫隨蠱臨觀噬嗑賁八卦

五卷

剝復无妄大畜頤大過坎離八卦

六卷

咸恆遯大壯晉明夷家人睽八卦

七卷

蹇解損益夬姤萃升八卦

八卷

困井革鼎震昌漸歸妹八卦

九卷

豐旅弭兌渙節中孚小過既濟未濟十卦

十卷

上繫

十一卷

下繫

十二卷

說卦序卦襍卦

家君述易未箸凡例已有通例也其每爻象注加
△者爻變爻直也變直所推出之卦與小象相關

者則○召別之上繫下繫說卦及通例中加○皆
示彼此聯屬例與爻象同 男 永京謹識

周易屬辭卷一

遵義蕭光遠述

三三乾下
乾上

乾字義

說文乾上出也从乙乙物之達也。𠂔聲。𠂔日始出
光𠂔𠂔也从旦𠂔聲。旦明也。从日見一上一地也。
乙象春艸木冤曲而出陰氣尚彊其出乙乙也與
一同意。按乾从乙坤从申卦名取𠂔支詳見通例

乾元亨利貞

乾純陽至健直繫元亨利貞而無他辭所以別于諸卦也。惟大有元亨鼎元亨大壯利貞倣此。

初九潛龍勿用

變姤直乾姤初直屯綜蒙龍取蒙童乾對咸咸初直漸潛取漸旁勿用取屯豕龍爲鱗蟲之長靈變莫測故以象乾道變化初在下陽氣尚微時潛而潛故占勿用潛爲見躍飛之本不潛則不能飛勿用正所以爲用也。○說文龍童省聲。

九二見龍利見大人

變同人直坤。同人二直履。綜小畜。有田象。小畜對蹇。利見大人。取蹇象。二地位。五天位。皆稱大人。三才之義。

九三君子終日乾乾夕惕若厲无咎

變履直屯。屯三直謙。故稱君子。屯對晉。有日夕象。乾乾者其事。惕者其心。厲者其所居之位。六十四卦人道之首。繫以惕厲之辭。觀九卦首履。則知此爻隱切作易本旨。而自古聖人憂勤惕厲。皆是心也。求免于咎而已。

九四或躍在淵无咎

變小畜直蒙。小畜對蹇。躍取蹇弱。蒙下卦坎淵。取坎象。奮身將進。疑而未決。隨時進退。則无咎也。

九五飛龍在天利見大人

變大有直需。需上直離對小過。有飛象。需綜訟。利見大人。取訟象。龍由躍而飛。陽氣盛至于天。猶聖人爲天子。臣民所利見也。卦彖爻大人字各五十有五。參天地者大人也。故大有天祐。取諸乾坤。

上九亢龍有悔

變支直訟支綜姤。姤上變大過錯頤。亢取頤象飛而上曰亢。又角亢東方蒼龍之宿。居列星之首。有高亢之義。時位已過。動必有悔。六爻初潛二見三惕四躍至五而後飛。一飛而卽亢。所謂吉凶消長之理。進退存亡之道。此可見矣。○說文介人頸也。从大省。象頸脈形。或从頁作頤。

用九見羣龍无首吉

此承亢龍而言。頤上變復。首取復道。用九隨時變通以用之也。亢訓人頸。則有首矣。見羣龍无首。剛

而能柔不可端倪。是以吉。○**姤**上直**比**无首本此。
彖曰大哉乾元萬物資始乃統天。

大哉取大有。見例。萬物一元所始。天一元所統。元
所以爲大也。此釋元。

雲行雨施品物流形

雲雨取需需五變泰。天地交而萬物通。此釋亨。

大明終始六位時成時乘六龍以御天

大明取大。終始。乾之終始。大明。聖人明之時。成
乾之時。時乘聖人之時。乘龍御天。則雲雨被物。此

聖人之元亨。

乾道變化各正性命保合大和乃利貞

大有五直臨對革。變化取革。由乾元而推變化之道。由形而反諸性命也。大和卽元。元之德至貞而保合。以爲生生之本。此釋利貞。

首出庶物萬國咸寧

需對晉。庶取晉彖。咸寧諧咸臨。體乾出治。容保无疆。此聖人之利貞。

象曰天行健君子以自强不息

此亦主五言。大有對升。升對豫。行健取豫。不息取升。君子不以人欲害天德。亦一天也。

潛龍勿用。陽在天下也。

屯初直同人對。夬陽取揚庭。漸初直。巽在下取。巽爻。

見龍在田。德施普也。

履二直。旅施取旅。夬二變。井德施普。亦竝受其福意。

終日乾乾。反復道也。

晉三變旅對復。反復道用復辭。終始相生。乾之反復。憤樂相循。君子之反復。

或躍在淵。進无咎也。

小畜四直。艮對觀。進取觀爻。

飛龍在天。大人造也。

大人乘龍御天。有雲雷交作。天造草昧之象。

亢龍有悔。盈不可久也。

不可久。則當有持盈之道也。○盈取比爻。

用九天德。不可爲首也。

九五大人備卦之全德。神明變化無端無始。是不
可爲首也。易自乾用九稱首。上經終于折首。下經
終于濡首。剛過則亢。濟極而濡。聖人于盛滿之際。
示人甚切。而乾卦六爻足包全易。亦卽是可見。

乾同字

乾乾

噬嗑四五

孔繫乾

履

乾乾

同人

乾三乾乾變履噬嗑兩乾變益對履乾肺乾肉義

異字同。○同字惟錄別卦彖爻象餘見例。

字旁

廟萃朝訟遭屯坦履坦履幹蠱幹初二三五翰賁翰四

干漸衍漸衍取聲後倣此乙泰歸一聯損失比失五

三晉五未濟上就草孔繫廟震朝坤幹乾不失

乾上訟四隨不自失比失居豐失道復未失

初坎困見就乾无賁尤四剥五大畜二蹇二鼎

彖字

元亨利貞乾元亨利貞屯元亨利貞臨元亨利貞坤元亨大有元亨蠱

利貞大壯元永貞比元睽元睽吉損十三損十三五

履上泰五復初大畜四離二益初五井上渙四○右二十七元十一亨九利十一貞

亨利貞

咸萃兌小過

利貞亨

離亨△利貞

蒙恆

亨貞

困

亨小利貞

濟既

小亨

旅

亨二十

小畜謙噬嗑賁復萃震豐節未濟

需履泰同人大過坎○否初二大畜上節四○右

利十二

坤解蹇蹇妻○蒙上上師

利用十二

噬嗑

初需初謙五上觀四益

利建侯

屯屯

利見大人

七

初四萃二升二困二

利涉川

十

需訟同人蠱大畜中孚

利

攸往十四

賁剝復无妄大過恆損益

无攸利十

歸妹未濟○蒙三臨三无妄上

无不利十三

坤二

大有上謙四五臨二剝五大過

利△貞

否同人升上

歸妹

利艱貞

明夷噬嗑大畜

利女貞

家人觀二利永貞

坤

六三

利居貞

屯初利貞

漸中孚明夷五鼎五損

有九利

貞

師二豫五剝

女貞艱貞

泰可貞

損坤三不

可貞

明節蠱三

永貞

小過永貞吉

賁三貞吝

泰上恆

解貞厲八

訟三小畜上履五噬嗑五

貞凶

八師五

隨四頤三恆初

安貞吉

坤四

居貞吉

頤五貞吉

二十九

需頤蹇旅屯五需五比二四履二否初

姤初家人二解二損上

貞吉悔亡

咸四六壯四

周易屬辭

卷一

乾

七

六十九合前
共百有十貞

以上彖十三元。四十亨。三十九利。十四貞。元亨利
貞百有六數。在蠱四變。鼎。爻十四元。四亨。八十利。
九十六貞。元亨利貞百九十四。數在遯二變。姤。彖
爻元亨利貞共三百。數在鼎。上直。姤。例取姤對大
有。大有。元亨。鼎。元亨。二卦卦數六十四。包全易。

孔繫元亨利貞

元二十三

乾六○坤比大有蠱損鼎○
坤五訟五泰離二益初渙五

元吉在上

履上六四元吉

大畜

六五元吉

損元復初○亨四

元吉

十七

乾三○坤屯蒙需小畜履○泰同人大有

恒節

○小過既既未濟否二節四亨序卦利九十

五

初訟○乾二二五乾二坤二二蒙二上需需

上○剝復无妄大畜大畜初三大過咸恆遯○遯

萃萃困五鼎初漸三歸妹○歸妹二彛彛初兌

渙中孚孚小過既濟○未濟上繫同人五下繫益

吉无不利

上繫大有上○大有利說卦貞六十五

乾五坤二○坤三用六屯○需需五訟四師比履

五貴三无妄四頤○頤五咸咸四恆恆五遯遯五

升五困歸妹二枚○枚二爻初兌節節上中孚小
過既濟未濟二未濟四○下繫貞勝貞觀貞明貞

一貞

下繫
豫二

乾統于元。乾策直復。下繫于復。初取一元。坤統于
貞。坤策直豫。下繫于豫。二取一貞。兩爻復次豫。有
貞。下起元之義。○孔繫元亨利貞二百三十。爻在
蹇二。例取蹇對小畜。小畜二直鼎。

彖六卦無元亨利貞。○觀晉睽姤井邑

前六卦元亨利貞。乾屯隨臨无妄皆上篇。惟革下
篇。革綜鼎。此六卦無元亨利貞。晉睽姤井邑皆下

篇。惟觀上篇。觀對鼎。

爻七卦無元亨利貞。○同人坎支震豐兌既濟
合坤元亨利牝馬之貞。七卦元亨利貞。此取七卦
相配。同人上直大有大有上直觀對鼎。例如前。
孔繫五卦無元亨利貞。○晉家人睽睽豐

除乾坤外。五卦元亨利貞。此取五卦相配。晉睽睽
與彖同。豐與爻同。惟別取家人。家人綜鼎。例如前。
○又按彖六卦元亨利貞。乾屯隨臨无妄革。卦數
百一十四。在臨上直鼎。數條取鼎。皆彖例。

文言曰元者善之長也亨者嘉之會也利者義之和也貞者事之幹也

乾四德皆純粹至善。元于時爲春。于卦爲震。天地生生之理。始于此時。震動發舒。故曰善之長也。亨于時爲夏。于卦爲離。萬物相見。美善于此時。畢聚。故曰嘉之會也。利于時爲秋。于卦爲兌。秋令慘肅。是謂天地之義氣。利義皆宜也。凡物不宜則不和。秋時物皆成就。各遂其生。有和說之意。故曰義之和也。貞于時爲冬。于卦爲坎。天地之氣團結于中。

正固不搖以爲來年發生之本。故曰事之幹也。謂
凡事依此而立也。此皆天道之自然。眾人所同也。
○長取師爻。師五長子直損損。稱元吉。故元有長。
義會取惠諧。益五惠心直渙渙。五直遯。嘉取遯爻。
和取兌初和兌。兌初直剝對漸。義取漸上儀彖。漸
綜蠱事之幹取蠱爻。

君子體仁足以長人。嘉會足以合禮。利物足以和義。
貞固足以幹事。

元之德人稟之爲仁。體仁體天地大生廣生之德。

也。元長四德。仁統四端。君子體仁。自足以首出而
在人上也。亨之德。人稟之爲禮。君子節之文之。嘉
美其所會。自然動容周旋。合乎天秩之禮也。利之
德。人稟之爲義。君子以利物爲心。無自私自利之
見。則無乖戾之情。自足以和義也。義主剛方。和義
如所謂禮行遜出是也。貞之德。人稟之爲知。精明
強固。自足以幹事也。此人事之當然。君子所獨也。
○承前渙錯豐嘉禮皆取豐旁。豐綜噬嗑。合與噬
諸貞固取无妄四爻象。无妄四直觀對鼎。鼎對蠱。

爲例。○損當九九之中。元取損元吉。无妄當七七之中。貞取无妄可貞。元例。

君子行此四德者故曰乾元亨利貞

此以乾當君子。天人合一也。

初九曰潛龍勿用何謂也子曰龍德而隱者也不易乎世不成乎名遯世无悶不見是而无悶樂則行之憂則違之確乎其不可拔潛龍也

(屯)對遯故稱遯遯有革象世取革焉。龍德聖人之德隱釋潛下遯言其隱皆非龍德不能總以確乎

不可拔贊之。

九二曰見龍在田利見大人何謂也子曰龍德而正中者也庸言之信庸行之謹閑邪存其誠善世而不伐德博而化易曰見龍在田利見大人君德也

履對益兩庸从用取益三兩用履三直弇兩庸从庚取弇兩庚履二直放對大畜閑邪取大畜存誠取无妄脩諸己爲善及于物爲德博而化即德施普意君德明二非君位而可稱大人者此也

九三曰君子終日乾乾夕惕若厲无咎何謂也子曰

君子進德脩業忠信所以進德也脩辭立其誠所以居業也知至至之可與幾也知終終之可與存義也是故居上位而不驕在下位而不憂故乾乾因其時而惕雖危无咎矣

屯三變既濟辭取亂易履對解兩至取解爻兩至兩終取謙象爻兩終存義以上皆釋乾惕下乃釋厲无咎不驕猶二之不伐不憂猶初之无悶

九四曰或躍在淵无咎何謂也子曰上下无常非爲邪也進退无恆非離羣也君子進德脩業欲及時也

故无咎

進退取觀。觀對鼎。鼎四直。益有恆象。觀四變。否有離象。上進釋。躍下退釋。在淵无常。无恆釋。或進脩與二同。而時漸迫矣。

九五曰飛龍在天。利見大人。何謂也。子曰同聲相應。同氣相求。水流湓火就燥。雲從龍。風從虎。聖人作而萬物覩。本乎天者親上。本乎地者親下。則各從其類也。

需五上直坎離。故稱水火自同聲同氣。至從龍從

虎皆一物親一物。聖人起爲天子。則萬物快覩其
光也。湯武革命。順天應人。與包犧神農黃帝堯舜
氏作。其氣象皆如此。天位上。地位下。聖人成位乎
中。立之極與天地參。此又推聖作物覩之所以然
也。

上九曰亢龍有悔。何謂也。子曰貴而无位。高而无民。
賢人在下位而无輔。是以動而有悔也。

訟上變困。錯賁。賁對艮。輔耳。艮動有悔。取困。貴高
釋亢。无位。无民。无輔。則其所以有悔也。辭與大有

尚賢。天助人助對發。

潛龍勿用下也。

處最下。故勿用。

見龍在田時舍也。

未爲時用。故在田。○井初下也。時舍也。本此。

終曰乾乾行事也。

事卽德業。行卽進脩。○履三直○彖○彖大象行事本此。

或躍在淵自試也。

自試則進退不苟。

飛龍在天。上治也。

飛則居上以治下。

亢龍有悔。窮之災也。

窮釋亢。災釋悔。窮取訟室。災取小過爻。

乾元用九。天下治也。

元統天。故曰乾元。用九則張弛得宜。天下所以治也。

潛龍勿用。陽氣潛藏。

漸初變家人對師。藏从臧取師爻。○說文新附字。
藏匿也。臣鉉等案漢書通用臧字。从艸後人所加。
見龍在田天下文明

井二直大過大過二直明夷故稱文明潛藏者坎
之象文明者離之光。

終日乾乾與時偕行

謂日行與俱行也。○益與時偕行本此。

或躍在淵乾道乃革

下上之交乾道改革故不遽進也蒙錯革故稱卦

名。

飛龍在天乃位乎天德

乾位乎天德純粹精也需位乎天位以中正也。

亢龍有悔與時偕極

三與時偕行學問利于不息也故无咎上與時偕極勢位患知足也故有悔然震无咎者存乎悔此易之教也。

乾元用九乃見天則

則者理有定限而無過不及也。○天則取大有爻。

乾元者始而亨者也利貞者性情也

性即各正性命情即保合大和

乾始能以美利利天下不言所利大矣哉

始釋元美釋亨利天下釋利不言釋貞此合四德一以貫之所以見元之統天

大哉乾乎剛健中正純粹精也

剛健中正即元亨利貞之實純粹精又合四德之始終極形之

六爻發揮旁通情也時乘六龍以御天也雲行雨施

天下平也

此合釋聖人四德。乘龍御天。聖人之元。雲行雨施。聖人之亨。天下平。聖人之利貞。

君子以成德爲行。曰可見之行也。潛之爲言也。隱而未見行而未成。是以君子弗用也。

此承潛藏而申釋勿用。○不成名故成德。漸綜蠱有日象。德可見而未見。行將成而未成。君子弗用。智慮深沉。

君子學以聚之。問以辨之。寬以居之。仁以行之。易曰

見龍在田利見大人君德也

此承文明而申釋大人。同人對支。寬取寬陸。非君位而有君德。亦人所利見也。

九三重剛而不中上不任天下不在田故乾乾因其時而惕雖危无咎矣

此承儲行而申釋厲无咎。○兩在取(辨)爻。

九四重剛而不中上不任天下不在田中不在人故或之或之者疑之也故无咎

此承乾道乃革而申釋或疑詳審也。○三四當兩

卦之交。故皆稱重剛。與重離重巽一例。

夫大人者。與天地合其德。與日月合其明。與四時合其序。與鬼神合其吉凶。先天而天弗違。後天而奉天時。天且弗違。而況于人乎。況于鬼神乎。

此承位天德而申釋大人。訟對明夷睽。天地日月由明夷取。鬼神由睽取。吉凶由訟取。先天後天見通說。日月四時鬼神皆天所統。弗違奉天則天亦大人。大人亦天。此所以位天德而爲人所利見也。亢之爲言也。知進而不知退。知存而不知亡。知得而

不知喪其唯聖人乎知進退存亡而不失其正者其
唯聖人乎

此承偕極而申釋亢。進退存亡得喪見例。三不知
明所以偕極而亢也。進退數端眾人知一不知二
蔽于欲也。聖人無欲炳于幾先。知進退存亡得喪
之倚伏。莫非自然之理。而處以當然之道。所以不
至于亢。終身无悔。

三三
三三
三三
坤下
坤上

坤字義

說文坤地也。易之卦也。从土从申。土位在申也。土地之吐生物者也。二象地之下。地之中。一物出形也。申神也。七月陰氣成體。自申束从臼自持也。臼。手也。从匕。匕。○按土位在申。則知坤位西南。名卦造字之時已然。先天卦位。乾南坤北。未協。

坤元亨利牝馬之貞。君子有攸往。先迷後得主。利西南得朋。東北喪朋。安貞吉。

牝馬之貞。指五。五變比對解。牝取解比。豕馬乾象。坤德順而體健。故元亨與乾同。而利牝馬之貞也。

先後取否泰見通說。又卦位坤艮相對。坤在下爲剝。上變剝。先迷也。坤在上爲謙。三變謙。後得主也。西南坤之本位。致養致役于西南而得三陰卦之助。得朋也。東北艮方。成終成始于東北。中隔震體。不與陰係。喪朋也。坤爲臣道。爲人臣者以人事君。又無朋黨之嫌。則无不利。安从女在下。亦坤順之義。安貞是以能永貞。

彖曰至哉坤元。萬物資生。乃順承天。

至取譬焉。火在天上爲大有。故乾稱大哉。明出地。

上爲誓。故坤稱至哉。順承天。无成有終之義。此釋元。

坤厚載物。德合无疆。含弘光大。品物咸亨。

乾德无疆。坤厚與配。靜翁則含弘。動闢則光大。品物因之咸亨。此釋亨。

牝馬地類。行地无疆。柔順利貞。君子攸行。

地類順也。行地无疆。順而健也。此釋利。牝馬之貞。

先迷失道。後順得常。西南得朋。乃與類行。東北喪朋。乃終有慶。安貞之吉。應地无疆。

常取黃裳。經言得主。傳言得常。文言得主有常。兼取謙泰也。與類行。得朋之利。終有慶。喪朋之利。應地无疆。人法坤之德。

象曰地勢坤君子以厚德載物

此主三言。謙三直剝。剝三變。艮。厚取敦。艮。德載取小畜上爻。四方高下形勢不同。而厚無不載。君子體之以厚載。則亦坤也。○載取三才。見通說。

初六履霜堅冰至

變復直師。復對歸妹。歸妹初變解對履。因用履卦。

名。師初變臨對震霜取震堅取臨至取臨象。因霜言冰。一陰而切履霜之防。履霜而知堅冰之至。卽臨稱八月。姤繫女壯之義。○冰說文久。

象曰履霜堅冰陰始凝也。馴致其道至堅冰也。

履初變訟。訟彖稱終有冰象。因終原始。謂一陰生而眾陰隨進也。○凝說文冰。

六二直方大不習无不利

變師直比。比對睽直象。比方來。方象。比錯大有大。象。比二變習坎。乾龍飛則習。坤牝馬是不習也。師。

對蹇蹇利西南不利東北。坤則西南東北皆利也。
象曰六二之動直以方也不習无不利。地道光也。
動卽坤動也。闢之義由直而方。大可知矣。二地位。
故曰地道光。

六三含章可貞或從王事无成有終

變謙直小畜謙對萃萃三變成含取咸旁謙四變
小過章取遺音小畜對損可貞取損象從王事得
主也不居成功勤勞終事後順之至也。

象曰含章可貞以時發也或從王事知光大也

待時而動。有功不德。非常之知也。小畜。綜姤。姤三直需。光大取需象。

六四括囊无咎无譽

變豫直履。履四直兌。括从舌取兌。豫五變萃。囊从衣取萃。重陰歛閉。象括囊。占无咎无譽。譽取豫諧。○兌對大過。无咎无譽本此。

象曰括囊无咎慎不害也

慎釋括囊。天閉賢隱之時。慎口免害足矣。何譽之有。

六五黃裳元吉

變比直泰。泰五變需。黃取需。彖光。需五直坎裳。从尚取坎。彖泰對損元吉。取損黃者。坤土之正色。不言衣而言裳。坤順卑下之義。泰稱歸妹。坤裳妹。被皆柔主之美德。○黃說文从田从𦉰。𦉰亦聲。𦉰古文光。

象曰黃裳元吉文在中也

文取需。初郊有需對家人。在中取在中饋。

上六龍戰于野其血玄黃

變剝直否剝錯(夬)即戎戰象。夬對同人于野象。否上變(萃)綜升。血取恤旁。萃錯大畜玄黃取畜旁。純陰居極。龍戰兩傷。所以危陽也。所以警陰也。

象曰龍戰于野其道窮也

(夬)上變乾。窮與乾上同。失道故窮也。

用六利永貞

此亦承上龍戰而言。否上直(比)永貞用比辭。用六利永貞。即象利牝馬之貞也。

象曰用六永貞以大終也

比錯大有故曰以大終

字旁

橈大過大交十狂見城泰圭三判歸妹徒初塗上

譽坤四大過五與中曳三既濟初未濟中

夬離三孔繫土離社震堯舜乾均坤申申巽神神

乾五神繫十八下繫五說卦二

彖字

牝馬坤馬屯二四上資四大畜三明馮泰君子

見中有攸往坤解○大有二勿用有攸往屯○不

孚明夷初始初

利有攸往剝无妄 小利有攸往賁 利有攸往復大過

支萃二大畜三 先後坤五睽上旅上 後比上震

初迷 主坤二豐初四 西南東北坤寒 西南解西

小畜五南 東西既濟 得喪坤井 失得晉大

有得豫 得大首明夷 小得坎二得 得泰二隨 得輿剝 得

桷漸 得牛无妄 得金矢得黃金噬嗑 得黃矢解得

敵中孚 得友得臣損三 得女妻得士夫大過 得妾

鼎 得童僕得資斧旅二 七日得震二既 不喪震 喪

羊大壯 喪馬初 喪牛喪童僕旅二 喪資斧上 喪貝

无巷

五

巷第

既濟

朋朋

坤

朋朋

復

安

坤

節

孔繫馬

坎

駟

乾

駁

乾

鼻

震

先後損

字

巷

小

朋

兌

宴

隨

天地

類附

爻八天一地

例

孔繫天七十四

傳

乾

各

二

坤

一

象

需

臨

觀

无

妄

坎

離

恆

大

象

需

有

大

畜

大

壯

支

小

象

乾

五

大

有

中

孚

上

明

夷

上

師

二

豐

上

乾

乾

一

爻

大

有

上

上

上

上

上

行

乾

復

天命

无

妄

順天

草

兌

應天

大有

十二

文

言

乾

說

卦

離

彖

傳

師

否

同

人

隨

家

人

始

豐

各

一

各

一

噬嗑二利天下乾隨化成天下貴天下化成恆天

下治乾盛天下平乾咸天下三十三上繫下繫○以

十有地三十四象傳坤三繫明夷各一大象坤師

象明夷上○上繫大過下繫小過井天道謙

地道坤坤坤兌○又上下繫共七天玄地黃坤

天施地生益天尊地卑上繫參天兩地立天立地說

天○地大衍各七○以上天地各五十大壯家人

睽解始萃草豐節上繫中孚下繫損文言乾五天

地天地否豫咸恆天地泰象天地天地泰大

天地

泰三象○以土地百有二十翼天二百有六

雷風水火山澤

雷

震屯屯解解豫復隨歸妹噬嗑豐无妄大壯

五風

乾下繫大壯上繫中孚恆恆益家人渙文言水

文言乾○坎訟師比蹇困節井井火○文言乾

渙草既濟未濟說卦五○水象二十一井火○同人

大有資旅家人鼎睽睽草草山蒙蒙蹇謙剝蠱

漸資旅大畜遯頤小過咸損升澤兌履夬隨歸妹

陰陽

卦四○澤象二十

揚夷楊大過陰中孚孔繫揚大陽坤初陰坤初

陰陽坤上泰否說卦乾上繫各三下繫各六說卦各三〇以上陰陽各十八

剛柔

剛乾三四坤訟履豫无妄大畜大過遯大剛反復

剛長復臨剛中蒙師比小畜臨无剛得中漸乘剛

屯二豫五噬嗑剛健乾大有柔順坤明柔坤離升

初姤柔得位同人柔得尊位大有柔得中既濟未濟柔

履剛履柔變剛剝柔乘剛姤柔剛豫二乾剛坤

柔損損剛益柔損柔遇剛姤剛姤凌柔剛五十五柔

二十剛來得中訟剛來下柔隨柔上剛下咸剛上

柔下恆柔來文剛分剛文柔賁內柔外剛否剛中

柔外兌柔在內而剛得中中孚柔得中乎外而順乎

剛旅剛弭乎中正柔皆順乎剛巽柔進而上行晉

鼎得中而應乎剛睽剛來而不窮柔得位乎外而

上同渙剛柔十屯初既濟未濟噬嗑節蒙二坎四

共八十一剛柔二十○剛柔十上下繫九柔下繫

柔危剛勝繫下曰柔與剛迭用柔剛說卦一柔以上未

柔十
五

十翼九十四剛六十五柔剛柔共百五十有九爻
在頤三變賁與夷上變賁同。

健順

建

屯初

孔繫建

豫屯

健十四

需訟小畜泰同人大有
无妄夬說卦乾震○乾

二大

順

五十

師比泰臨觀剝復晉明夷萃萃升
蒙

畜二五上需四比五臨二頤五咸二明夷二家
人二

四升四萃上漸三四渙初上繫大有上上說卦
坤四豫四說卦三

孔繫附卦爻建健十六應豫卦數前附卦爻八十

一剛合屯豫卦數十九共百前附卦爻五十柔此

五十順合之百。皆應明夷卦數。○前上下繫九剛
柔。此下繫一健。順自爲例。

十二卦不繫天地

蒙蹇困鼎震艮漸旅巽小過既濟未濟

十一卦不繫剛柔

泰謙觀頤家人蹇解益革艮豐

爻惟明夷上稱天地。蒙對明夷。故前十二卦。上篇
獨取蒙。小象惟泰三稱天地。故此十一卦。上篇先
取泰。明夷上變賁對艮。故惟艮竝無天地剛柔字。

文言曰坤至柔而動也剛至靜而德方後得主而有常含萬物而化光坤道其順乎承天而時行

至哉坤元以其至柔至靜又柔靜而能剛方也柔靜順也剛方順而健也此釋元亨利牝馬之貞後得主惟其柔靜自處也有常剛方之驗也此釋先迷後得含萬物柔靜之體也化光剛方之用也因含章稱含萬物赤與白謂之章坤西南之位化光卽二象所謂地道光也此釋西南東北終贊坤道之順以著其安貞承天時行則又統坤元釋之時

行。協天行之健也。卦有謙見象。二卦彖傳倣此。

積善之家必有餘慶。積不善之家必有餘殃。臣弑其君。子弑其父。非一朝一夕之故。其所由來者漸矣。由辯之不早辯也。易曰履霜。堅冰至。蓋言順也。

冰霜言造化。善不善言人事。餘慶善氣所熏。餘殃惡德所流。惡殃之極。至于戕弑。臣子之罪。亦由君父不防微慮漸也。蓋言順。順極成逆。追嘆而交警之。聖人于一陰始生。垂此大戒。蓋有感于春秋時事。而爲天下後世豫絕其惡端也。辯之早辯。則無

是矣。○師有開國承家之象。因稱家。家人初變漸
綜。蠱父子取蠱爻。君臣父子竝言。小過二稱君臣。
直井對蠱爲例。○震對噬嗑。善不積惡不積。本此
直其正也。方其義也。君子敬以直內。義以方外。敬
立而德不孤。直方大。不習無不利。則不疑其所行也。
直則不邪。故以正釋直。方則協宜。故以義釋方。敬
勝百邪。義揆萬事。夾持以立。德不期大。自大也。○
二變井對豫。不疑所行。豫四勿疑意。○內外取比。

孤取睽

周易卷之四
陰雖有美含之以從王事弗敢成也地道也妻道也
臣道也地道无成而代有終也

美釋章地終天功妻終夫業臣終君事其道一也
終如非坤所有祇以代乾含章之至○道取小畜
爻小畜夫妻對蹇王臣因以妻道臣道並言。

天地變化艸木蕃天地閉賢人隱易曰括囊无咎无
譽蓋言謹也

天地變化泰通之時天地閉否塞之象世泰則品
彙發華世否則賢人晦迹括囊者閉隱之義也變

蓄閉隱竝言。猶初之善不善兼繫。豫綜謙。故言謹也。○豫四直離。離三直草。變化取草。隱諧引兌兌。對大畜。閉取閉有。

君子黃中通理。正位居體。美在其中而暢于四支。發于事業。美之至也。

黃中之色也。因稱黃中理。西南東北之地理。通理中德時出不窮。放之皆準也。中則正矣。裳所以飾體。正位居體。猶言君子大居正。又爻稱元吉。有體元之德也。小象文在中。此美在其中。皆釋黃義四。

支體之屬也。事業由身而施者也。在中。美蘊于心。賜四支。美形于身。發事業。美著于世。所以爲美之至。而得元吉也。○需有震象。理取震百里。賜諧震七鬯。又泰對支。賜取揚剝。

陰疑于陽。必戰。爲其嫌于无陽也。故稱龍焉。猶未離其類也。故稱血焉。夫玄黃者。天地之禠也。天玄而地黃。

陰極而疑于陽。若勢均力敵。故必戰也。龍陽物。血陰類。五彩合謂之禠。因玄黃生義。陽生于子。實萌

于亥。坤上之陽剝果僅存。入地經時而後發生。故
剝必厯坤而後復也。此爻正剝極而復之機。特發
陰陽之義。○萃對謙。嫌取謙旁。否稱疇離祉。因用
離卦名。

受業 唐起尉 校

李友鸞

受業 羅人驤 刊

男 永京 書

周易屬辭卷一

周易屬辭卷二

遵義蕭光遠述

三三 震下坎上

屯字義

說文屯。難也。象艸木之初生。屯然而難。从艸貫一。屈曲之也。一地也。艸木初生也。象一出形。有枝莖也。一。下上通也。○按易卦屯蒙繼乾坤。生物之始。屯取植物。蒙取動物。動物本天。植物本地。屯初直同人對萃。萃从艸。卦名同旁。以九見爲例。

屯元亨利貞勿用有攸往利建侯

占與乾同。屯難未解。勿用有往。治屯需人。故利建侯。初變比對睽。侯从矢。取睽旁。睽對訟。从公。公侯爲類。屯利建侯。訟利見大人。乾之大人。豫二。屯之侯。屬初。則知各卦稱侯。稱大人。不專在五。當分別觀之。

彖曰屯剛柔始交而難生動乎險中大亨貞雷雨之動滿盈天造草昧宜建侯而不寧

乾稱乾始。坤始凝。屯始交。此三始字例。交爲泰。不

交爲否。始交爲屯。此三交字例。蓋乾坤後次屯。與泰否後次同人。皆三才之義也。二有大有象。交取大有。初有比象。盈取比爻。不寧取比彖。雷雨天造之時。侯大得民。不寧方來也。

象曰雲雷屯君子以經綸

此主初言。小畜雲雨。因象雲雷。小畜初變巽對頤。經取拂經。君子治屯。如結繩書契之類。皆經綸也。

初九盤桓利居貞利建侯

變比直同人。同人初直小畜。綜履。盤取履。初

直。夬。初變大過。桓取過棟。陽剛居下。其象盤桓。占宜守正。在人當建之爲侯也。百里爲同。公侯之封。故爻用彖辭。○屯繼乾坤。繫以建侯之辭。天開地闢。人生之時也。人生繁多。無主乃亂。建侯君道也。侯不屬五而屬初。屯者物之始生。天地生物。陽氣自下而上。極乎上。則又反乎下。循環不已。自古帝王之興。如繫傳所稱伏羲神農黃帝堯舜。皆自下而起。湯武革命亦然。如湯由侯而王。賢聖六七作。此商家陽德方亨之時也。中葉以後。陽氣漸極。

乎上而太王王季文王又培周家八百年之元氣故屯必以初爲主爻而後合卦之名義○比建國親侯本此

象曰雖盤桓志行正也以貴下賤大得民也

正釋貞乾坤之初明陰陽屯初明貴賤貴陽賤陰一經大義在此○(履)初直豐對无妄雖取豐爻行正取无妄彖爻小(畜)錯豫大得取豫民取同人人民爲類

六二屯如遭如乘馬班如匪寇婚媾女子貞不字十

年乃字。

變節直大有。本卦對晉。晉康侯錫馬蕃庶。因疊取馬象。大有對升姤。乘取升義。媾諧姤聲。姤綜小畜。小畜二變家人。以貞取家人。小畜初直革。革从三十。因稱十年。乃字取革乃字。遭回旋。班分布。乘馬班如。謂五二與五應。君臣交際。猶媾媾相求。幽人守貞。猶女子待字。爻德柔順中正。以當屯時。持重不苟進如此。

象曰六二之難乘剛也十年乃字反常也

節二直剛夷難取艱貞。易例剛柔由剛夷天地取。剛夷稱登天。此因取乘剛象。後凡乘剛以此爲例。反取小畜爻反常。復陰陽正應之常道也。

六三卽鹿无虞。惟入于林中。君子幾不如舍。往吝。

變旣濟直謙。謙三直剝。剝三變目對觀。鹿取觀薦。謙錯履虞取履虎。謙對困有林象。陰柔无應。迷失所向。舍則不入。往必見吝。君子當浚其幾也。

象曰卽鹿无虞以從禽也。君子舍之往吝窮也。

剝三直師禽取師爻窮見坤上。

六四乘馬班如求婚媾往吉无不利

變隨直豫。豫對升。再取乘馬象。升對大有。大有對姤。再取婚媾象。柔正近君。求賢共濟。占往吉。豫四變坤。无不利與坤二同。

象曰求而往嗣也

嗣取隨爻

九五屯其膏小貞吉大貞凶

變復直隨。膏取隨旁。復上變頤。綜小過。辭與可小事不可大事相倣。二以乘剛而屯。志未上行也。五

以屯膏而屯。澤未下逮也。漸而不驟。濟屯自有時也。

象曰屯其膏施未光也

復對放。施取放旁。頓上施光本此。

上六乘馬班如泣血漣如

變益直蠱蠱上變升。升稱勿恤。因言泣血。蠱綜漸。漣取漸旁。屯極无應。其象如此。○按乾用九稱首。比離剛夷既濟未濟。五卦稱首。坤上稱血。屯需小畜歸妹渙。五卦稱血。首象惟比上最不美。比錯大

有彖元亨。爻吉无不利。血象惟屯上最不美。屯錯鼎。彖元亨。爻大吉无不利。造化之妙。一交錯間。凶吉懸殊。易中象數相對相當。此可類推。

象曰泣血漣如何可長也

長取師爻。師五直損綜益爲例。何可長。示人當求濟屯之策也。○益對否。否上何可長。升對豫。豫上何可長。本此。

屯字旁

舍。屯。三賁初頤初。○說文市居曰舍。从人。孔繫時。中。口。尸。象屋也。口象築也。○口音園。

舍乾初舍比五山屯山坤四木離解系乾

彖字

勿憂豐勿疑豫勿藥无妄勿問勿恆勿逐三

見勿恆五升見勿用十一屯姤○乾初蒙三師上泰

既濟利用十二噬嗑○蒙初需初謙五上觀用二

十一損萃晉升乾九坤六蒙初泰二謙初蠱五

巽二渙初可用三漸上井公用大有三王用比五隨

益二用用大壯三益三以上建屯豫律初師侯屯

晉屯初孔繫用小象剛備五大有億濟三既建比侯

比通坤五節初乾泰同人睽節渙井

三三坎下
三三艮上

蒙字義

說文爾覆也。从冂豕。冂重覆也。从冂一。冂覆也。○
按說文之部。豕高墳也。从彡豕聲。俗作豕。因以艸
部之蒙作卦名。非是。

蒙亨匪我求童蒙童蒙求我初筮告再三瀆瀆則不
告利貞

蒙者。昏昧之義。由昏而明。故亨。卦有同人象。童與

同諧。有噬嗑象。筮取噬旁。筮之求神。亦暗求于剛也。初筮誠也。瀆不誠。不告。不屑之教誨。

彖曰蒙山下有險險而止。蒙蒙亨以亨行時中也。匪我求童蒙童蒙求我。志應也。初筮告以剛中也。再三瀆瀆則不告。瀆蒙也。蒙以養正聖功也。

以亨行時中。謂以蒙之亨。行我時中之教也。瀆蒙與童蒙相反。故告不告異也。蒙有聖功。不可以異端曲學害之也。○五有頤象。頤養正本此。

象曰山下出泉蒙君子以果行育德

五直剝對漸。果取剝。育取漸。果行法坎之流。育德體邑之止。○大象標示主爻。如乾取五。坤取三。屯侯在初。則取初。蒙童在五。則取五。後倣此。

初六發蒙利用剝人用說桎梏以往吝

變損直臨。損初直革綜睽。發取睽旁。睽二變噬嗑。錯井。剝旁取井。因噬嗑用獄生義。利用剝人。所謂不威不懲。噬嗑初爻滅趾之意。說桎梏往吝。所謂小惡無傷。噬嗑上爻滅耳之意。發蒙以嚴爲主也。

象曰利用剝人以正法也

法典常也。荆以弼教。故曰正法。○法取噬旁。噬噬。勅法本此。

九二包蒙吉納婦吉子克家

變剝直觀剝對漸。漸女歸。有納婦象。觀對鼎。鼎綜家人。故稱卦名。包蒙納婦。統制羣陰也。以德則二爲師。以位則二爲臣。臣事君。猶子事父。屯二不字。表女子之貞。蒙二克家。見男子之事。

象曰子克家剛柔接也

二剛得中。五柔志應。是相接也。○本卦對明夷。明

夷綜。晉。接取。晉。象。因。鼎。初得。妾取。

六三勿用取女。見金夫。不有躬。无攸利。

變。蠱。直。噬。嗑。本卦對大壯。大壯三直小畜。綜。姤。勿用取女。用。姤。辭。大壯二直比。夫取比。象。女謂三。金夫。謂二。三應上。而比二。徇欲忘身。女壯之時。占无攸利。大壯三變歸妹。无攸利用。歸妹辭。○小畜三。夫妻本此。

象曰。勿用取女。行不順也。

女子之德。後順爲常。○噬。嗑。三直。渙。對。頤。順。取。頤。

旁。

六四困蒙吝

變未濟直賁賁錯困。故稱卦名。限于方隅。不知嚮往。是以吝。

象曰困蒙之吝獨遠實也

實謂二上。卦體相綜。此爻卽屯之三。困卽入林之象。遠實亦无虞之意。○困四直復對歸妹。獨遠取復。爻實取歸妹爻。

六五童蒙吉

周易屬辭

卷二

蒙

九

變渙直糾。糾錯。夬。夬對同人。故童蒙于此爻繫之。
以位則五爲君。以德則五如童。居尊位而天真未
漓。故吉。

象曰童蒙之吉順以巽也

渙對頤。頤對巽。故稱巽卦名。順以巽。與三行不順
相反。

上九擊蒙不利爲寇利禦寇

變師直復。師五直損對泰。損五直漸。有擊象。泰對
夬。不利爲寇。取不利卽戎意。禦取卽旁。初六乘才。

用刑所以矯其柔。上九過剛。禦寇所以抑其剛。夷
紕姤。擊蒙繫豕。不利爲寇。不利賓。皆大易治小人
之法。

象曰利用禦寇上下順也

⑨漸上直小過綜頤合爲上下順。

蒙同字 孔繫剛夷

字旁

豕

大畜五睽上
姤初說卦坎
豹革暴解三
豫

豕字

附爻字

匪十三

蒙否无妄○比三大有初

匪寇

屯二賁我

十三

見或乾四坤三訟三上師三无妄三恆三益

○以上爻爻五漸孔繫賤屯義乾坤二二三需

或十六爻爻五漸孔繫賤屯義乾坤二二三需

義

井大義歸妹義吉初小畜義凶隨義无咎復三解

既濟時義豫隨遯姤旅○上繫二下繫一說義節

字犧

益戈離求蒙頤屯四童童蒙爻五童六龍例

憧憧

咸寵五叢坎僕僕三放二告益三四枯大畜

四再

蒙○說文再一舉三四見例○四瀆蒙則大

有初。无妄二。離三。大壯上。睽上。損三。三。孔繫龍咸四。震震。龍二。業業。乾三。造坤。誥。姤。瀆。豫。二。溝瀆。坎。○己。蒙初。師初。小畜五。否復上。姤五。鼎初。旅五。小過初。泰初。四。四。五。起姤四。剝初。二。四。五。歸妹初。三。三。○以二十三。起序卦訟。襍。矣。小象。益五。族。下繫卦震。矣。革三。旅三。族。豫二。

三三
 乾下
 坎上

需字義

說文需。須也。遇雨不進。止須也。从雨而。雨水從雲下也。一象天。口象雲。水需其間也。而須也。象形。段註。首畫象鼻端。次象人中。次象口上之髭。次象承

漿及頤下者。按本卦有震頤象。故从雨而。○八卦
方位。震數十四。序卦震數五十一。共六十五。爻在
泰五變需。故需取震旁。○兌數十三。兌卦數五十
八。共七十一。爻在否五變晉。兌有分象。晉有至象。
此易中分至例。○乾數十六。乾卦數一。共十七。爻
在屯五變復。復對旅。故旅取乾旁。○坤數十一。坤
卦數二。共十三。爻在屯初變比。比初直。比初直
中孚對坎。示坤坎同旁例。坤坎數共六十一。爻在
泰初直中孚。足証五行土位乎中也。○坎數十九。

坎卦數二十九。共四十八。爻在比上直井。八純卦
獨坎稱習坎。六十四卦彖辭。獨井疊井井。○離數
九。離卦數三十。共三十九。爻在師三變升。升綜觀
故觀从萑取離旁。升觀皆中位離。○艮數十一。艮
卦數五十二。共六十三。爻在泰三變臨。臨綜觀。故
觀从見取艮旁。序卦觀亦對艮。○巽數十七。巽卦
數五十七。共七十四。爻在同人二直履。履二直旅
旅錯節。故節取巽旁。卦名同旁皆有例。卽八純卦
可見。

需有孚光亨貞吉利涉大川

圖位乾坎相連。亥子之交。氣運未遽通泰。故卦爲需。在人凡不可刻期之事。皆必需待。無欲速也。卦有乾坎象。乾五變大有。坎對中孚。因稱有孚。上直離。光象。五變泰。大川象。亨貞吉利涉川。皆指五言。彖曰需須也。險在前也。剛健而不陷。其義不困窮矣。需有孚。光亨貞吉。位乎天位以正中也。利涉大川往有功也。

須見賁。險陷皆取坎。二直大畜。大畜二變賁。錯困。

故稱困卦名。位取萃。正中取乾二。有功取隨初。乾二變同人對萃。隨初變萃爲例。皆指五言。

象曰雲上于天需君子以飲食宴樂

雲上于天。將雨之時。君子飲食宴樂。所以處需恐懼修省。所以應震。○飲食取漸二。宴諧中孚燕聲樂取无妄藥旁。漸二直兌對大畜。中孚初往上无妄。无妄綜大畜爲例。皆指五言。

初九需于郊利用恆无咎

變井直无妄。无妄對巽。巽初變小畜。郊取西郊。无

妄綜大壯。大壯初變恆。故稱恆卦名。剛正能守。盤桓曠地。有恆久之操。无躁進之咎。

象曰：需于郊，不犯難行也；利用恆，无咎，未失常也。

井錯噬嗑。犯取獄旁。不冒險。故于郊。常恆也。○恆對未濟。未失取未濟爻後倣此。

九二：需于沙，小有言，終吉。

變既濟。直大畜。沙取濟旁。爻有困象。有言取困象。沙漸近險。小有言語之傷。爻德剛中。是以終吉。

象曰：需于沙，衍在中也。雖小有言，以吉終也。

既濟二直歸妹。衍取愆旁。恆猶固守。衍則從容自在。寬以居之也。

九三需于泥致寇至

變節直頤。頤對渙。泥取渙旁。本卦對晉。致至取晉旁。晉對屯。故稱寇。泥已迫險。寇盜之招。爻德陽剛。不言凶咎。

象曰：需于泥，災在外也。自我致寇，敬慎不敗也。

彖險在前。此災在外。皆指外卦。寇至客來。皆當敬以處之。○節對離。敬取離初。災敗取復上。復上變

頤爲例。

六四需于血出自穴

變妻直大過。本卦對晉。晉四直豫對升。血取升恤。旁大過四直睽對訟。穴取訟窒旁。由郊而沙而泥。四已入坎。有血象。柔正近五。猶人遭殺傷。歷坎窞。從容觀變。久而自出也。

象曰需于血順以聽也

豫四變坤。順取坤象。聽因妻四聞言生義。順以聽。則不至龍戰血玄黃也。

九五需于酒食貞吉

變泰直坎泰中位兌故酒从酉坎五直萃錯大畜有食象以九居五位乎天位休養順俟不僥近功所謂飲食宴樂此也。

象曰酒食貞吉以中正也

泰五直乾象曰剛健象曰中正與乾五同。

上六入于穴有不速之客三人來敬之終吉

變小畜直離小畜上直歸妹對復復上當坤策坤稱主此因取客象歸妹上直蒙客取蒙二家旁三

人取蒙象爻。離五直震。敬取震驚。此爻承五而言。酒食所以速客。需須也。有不速象。三人謂泰三陽。需極而入。客來扶持出險。不可以不速而忽之。敬之終得吉也。六爻上獨不言需而示敬。敬所以處險也。○小畜對損。離敬之。損三人本此。

象曰不速之客來敬之終吉雖不當位未大失也

小畜錯豫。由豫大有得。此因稱大失。未大失。故終吉也。雖不當位見例。

需字旁

濡未濟初上○未濟初上既濡既濟雲雨小畜過五雨小畜

上睽上鼎靈初陰中孚二○說文陰閭也从自雲今聲古文省

三吏三井造損初而觀初○訟二同人五

彖字附爻字

光需○觀四孔繫光坤大畜謙益未光屯五

震四晉上吏五光明履謙光大坤彖坤三○涉大

兌上萃五咸四光明履謙光大泰二渙四○涉大

川需訟同人大畜渙中涉大過頻○說文類

文掛从林从步設觀坎○酒需五坎四困二未濟

水从酉酉古文死从卯為春門萬物也樽坎酌初

配豐孔繫配豫尊謙四西三猶上坤畱旅

三三坎下
三三乾上

訟字義

說文訟爭也。从言公聲。言从口辛聲。辛讀若愆。臯愆也。公平分也。从八从厶。八猶背也。厶音私。韓非曰。自營爲私。背厶爲公。徐曰。會意。按易卦訟對訟夷。牖里之囚。文王蒙難。特取訟義。訟謙旁从言。二卦卦數二十一。噬嗑第二十一卦。彖稱用獄可見。訟有孚窒惕中吉終凶利見大人不利涉大川。

五直。譬對需。有孚與需同。窒从至取。譬旁。需有孚。光。上直離也。訟有孚窒。上變困也。惕中如二。終凶。如上。見大人所以直其理。承孚惕。涉大川則冒險。承終凶。

彖曰。訟。上剛下險。險而健。訟。訟有孚窒惕。中吉。剛來而得中也。終凶。訟不可成也。利見大人。尙中正也不利涉大川。入于淵也。

上剛下險。以君民言。險而健。以訟者言。剛來得中。家人之三來居二也。入淵指上。乾四在淵。直蒙。蒙

四稱困。本卦上變困爲例。

象曰天與水違行訟君子以作事謀始

初變履對益。違行作事取益。爻始因終生義。作事謀始則無訟矣。

初六不永所事小有言終吉

變履直咸履對解。解對比。比對睽。永取比象。所取解彖。事取睽彖。需取其恆。訟戒其永。卦義相反也。小有言終吉與需同。

象曰不永所事訟不可長也雖小有言其辯明也

長釋永。辯明見剝。不可成戒于終。不可長謹于始。

九二不克訟歸而逋其邑人三百戶无眚

變否直恆。否對姤。姤二變遯。有逋象。姤綜夬。有邑象。夬對同人。合爲邑人。百里者公侯之封。卦名从公。因取三百戶象。不克訟而歸。歸而逋逃。退讓如此。則居邑眾庶皆无眚也。

象曰不克訟歸逋竄也自下訟上患自掇也

恆對未濟。未濟二變晉。竄取晉鼯鼠。掇取否苞桑。患自掇。故歸逋乃无眚也。

六三會舊德貞厲終吉或從王事无成

變姤直遯。姤三直需。會取需爻。需三直觀。頤舊取觀旁。或從王事无成。見坤。坤三義取含章。訟三德惟會舊。皆人臣循分盡職。不矜功伐能意。

象曰會舊德從上吉也

不訟上而從上。是以占。頤從上本此。

九四不克訟復即命渝安貞吉

變渙直大壯。大壯四直履對解。復取解彖。渝从舟取履旁。安貞吉見坤。二不克訟取諸歸。四不克訟

取諸復。皆反己自責也。渝安貞吉。變不失正。其義善也。

象曰復卽命渝安貞不失也

猶乾所謂不失其正也。乾上直訟爲例。

九五訟元吉

變未濟直晉。晉對需。需五變泰對損。元吉取損象。

大人在上。訟者占遇此爻元吉。聽訟亦然。

象曰訟元吉以中正也

見需五。

上九或錫之鞶帶終朝三褫之

變困直剛夷。剛夷綜誓有錫象。誓五直隨對革有鞶帶象。朝取萃廟。褫取履虎。見例。終朝三褫與誓。晝日三接相反。以剛勝柔。雖榮必辱。終凶可知。

象曰以訟受服亦不足敬也

受取誓。爻服取履旁。訟以不永不克爲善。三食舊德。猶二保邑居。上已成訟。受服不足敬。不待三褫也。深爲健訟者示戒。

訟字旁

六公六言六有言見辨二剝變變革五孔繫公坎言

語節初語五謙三解上謀訟○辯初大有四履困

井辯物濟復未變四萃二歸妹二變四十三

乾坤謙賁剝恆革五上○又上繫二十二下化見

彖字

室訟穴需四坎初惕訟○乾三小逸渙易大壯

上終訟冰坤初孔繫室損穴大陷需諂二凝初易八

十三乾初二坤初四大有五壯五旅上恆大

大過象上繫大有上解解下繫噬嗑乾坤大壯

周易屬辭卷二訟卦五吉泰大畜

離咸睽解解萃困鼎漸中孚既濟○乾用九蒙二
二蒙五師二比五小畜初否二五同人四大有
上謙初隨五臨二五上噬嗑四復二大畜五頤四
上大過四離五○咸二恆五遯二四大壯上晉上
明夷二睽上家人三五蹇上解五益二萃二升四
革四鼎二震初邑上漸二五上歸妹五豐二四五
巽二五兌初二渙初往吉无妄初征吉初困上
節五中孚初未濟五往吉无妄初征吉初困上
鼎二歸大吉小過○家人四終吉比初履四謙三
妹初 貞吉三十五○元吉十三除鼎吉不計
蠱初家人 貞吉三十五○元吉十三除鼎吉不計
上鼎三 貞吉三十五○元吉十三除鼎吉不計
吉字百四 凶訟比臨井○師初三比上履三豫初
十有四 凶噬嗑上剝初二四復上上頤初大過
三上坎初上離三咸二恆五上益三上夷三上姤
初四困三鼎四漸二豐上旅上兌三節二小過初
三征凶二困二革三上震上未濟三 貞凶八乾見
上

○以上凶孔繫吉凶乾吉五小過既濟
字五十八

三三
三三
三三
坤上

師字義

說文二千五百人爲師从巾从自自四巾眾意也
巾躬也从反止而巾也止出也象艸過中枝莖漸
益大有所之也一者地也按師下坎上坤坤坎俱
从土因取自躬隨歸从自卦數七十一爻在否五
直師例由師取

師貞丈人吉无咎

周易屬辭

卷二

師

三

師出以正。將得其人。則吉无咎。五直損。損从手。有寸義。因以丈言。卦錯同人。因稱丈人。

彖曰：師，眾也。貞正也。能以眾正，可以王矣。剛中而應，行險而順，以此毒天下而民從之，吉又何咎矣。

卦名師。萃旅皆有眾象。師取行軍。故曰師眾也。萃取假廟。故曰萃聚也。旅象旅人。則曰親寡旅也。此三卦之義各殊也。本卦二有睽象。睽二變噬嗑。噬毒取噬嗑。爻何咎。取睽。爻皆根眾正而釋之。

象曰：地中有水，師。君子以容民畜眾。

坤輿容畜百川。君子容民畜眾。寓兵于農。亦險而順。○說文容盛也。从宀谷。古文公从公。按二有訟象。容取訟旁。又小畜大畜卦數三十五。爻在訟五直。瞽瞍五變否。否五直師。故畜取畜卦。眾取瞽爻。初六師出以律。否臧凶。

變臨直家人。家人對需。出取需爻。家人初直无妄。綜大壯。无妄初變否。故稱否卦名。否初直屯。律取屯建旁。臧取壯旁。度量皆起于律。因丈生義。又軍中吹律。可知吉凶。因以律言。其正義則謂節制號。

令也。否。臧不善也。此爻猶蒙初利用。荆人用說。桎梏。一反一正言之。○說文。臧善也。从臣。戕聲。段註。凡物善者必隱于內也。以从艸之藏爲藏。匿字。始于漢末。按臧从臣取臨旁。

象曰師出以律失律凶也

失律凶。剛否臧之爲失律也。○屯初變比。失取比。爻律諧屯鹿屯有從禽之象。比有失前禽之象。因于此示例。

九二在師中吉无咎王三錫命

變坤直睽睽對訟。王三錫命皆見訟爻。丈人爲天下削平禍亂如晉之康侯。錫蕃三接也。貞正也在師中則正矣。故吉无咎。用卦辭。又言其寵遇之非常也。

象曰：在師中，吉，承天寵也。王三錫命，懷萬邦也。

天寵指五。猶坤所謂承天時行也。懷萬邦見錫命非私也。懷者招徠之意。非窮兵黷武之比。

六三：師或輿尸，凶。

變升直蹇升四直蠱綜濟。輿取漸旁蹇四直解對。

履尸取履。旁與眾也。尸主也。三以柔才居二之上。或分主將之權。偏裨擅命。未有不失律而僨事者也。凶可知矣。

象曰：師或輿尸，大无功也。

升三直隨象與隨有功相反。小人貪功喪師辱國。是以凶。

六四師左次无咎

變解直解。解綜屯。屯四變隨。左取隨旁。次舍也。兵家尚右。左次避敵。臨事而懼。占无咎。

象曰左次无咎未失常也

③隨三直誓對需未失常見需初知難而退軍家之常故无咎。

六五田有禽利執言无咎長子帥師弟子輿尸貞凶
變坎直損損對小畜有田象坎錯離有禽象執取
損旁長子謂二因丈人稱長子也弟子三也敵犯
疆境虜執聲罪占无咎若事權分屬則非丈人之
義師雖貞不吉也三稱輿尸凶此再稱輿尸貞凶
深見任將之必專也。

象曰長子帥師以中行也弟子輿尸使不當也

損對泰中行取泰使取損歸獄于使不當爲命將者示戒

上六大君有命開國承家小人勿用

變蒙直益益對否否對姤大君小人皆取否彖勿用取姤彖國取蒙四困旁家取蒙爻大君謂五有命行賞也師出而戒失律對敵而凜輿尸成功而勿用小人皆丈人吉之義○益對履否履三大君否四有命本此

象曰大君有命以正功也小人勿用必亂邦也

大者開國小者承家所謂正功必亂邦故勿用○
古者學校兵刑其事相因五刑弼五教大刑用甲
兵也蒙初用刑上禦寇本爻承家取蒙克家見二
卦之相通也蒙以正法師以正功刑賞各持其平
小象例亦相倣

師同字

行師

豫象謙
上復上
師人五
泰上同

字彙

帥師五官初隨險坎二孔繫險蒙需儉否小

彖字附爻字

丈師三父蠱初三斧旅四孔繫父坤初家人釜

坤長師五弟師五梯大過涕離五弟歸妹初孔繫長乾乾

道長泰浸長臨剛長復何可長屯上豫上晉不

可與長姤終不可長夬上小咎不長臨三大壯上

久遠也从元从匕聲元者高遠意也久則變兄

兄家人况况乾况况中孚弟弟家人

三三三
三三三
坎上 坤下

比字義

說文比密也。二人爲从。反从爲比。古文作𠤎。从二大。匕相與比敘也。从反人。匕亦所以取飯。一名柶。按反止而匕。反从爲比。師比字相因。匕取𠤎。見通說。

比吉原筮元永貞无咎不寧方來後夫凶

原再也。對蒙初筮而言。上卦坎。永取坎象。原筮致其詳。元永貞持其久。後夫指上。蓋坤內坎外。以卦爲先迷。以爻則上當後夫也。

彖曰比吉也比輔也下順從也原筮元永貞无咎以剛中也。不寧方來上下應也。後夫凶其道窮也。

卦名比取比。比。輔因取比。爻。下卦坤有從王事之象。故曰下順從也。方來四方偕來也。上下應取小過其道窮見坤。

象曰地上有水比先王以建萬國親諸侯

地上有水親密无間。建國親侯。小大相比。則有不寧方來之勢也。

初六有孚比之无咎有孚盈缶終來有它吉

變屯直支。支錯剝剝初直需。復有孚取需訟彖。需初變井對蠱。缶取井餅。它取蠱象以信相比。占得无咎。若其充積。更有意意外之善慶也。終來有它吉。辭意由需上爻取。○支初變大過。有它吝。本此。

象曰比之初六有它吉也

以六居初。誠樸未散。无應自吉。

六二比之自內貞吉

變坎直姤。姤二直蒙。內取納旁。比之由己。不急求合。占貞吉。

象曰比之自內不自失也

不徇外故不失己

六三比之匪人

變蹇直萃萃三直泰綜否有匪人象上爲後夫三與之應是比之匪人也

象曰比之匪人不亦傷乎

不親君子而比匪人甚可慨也○泰對妻傷取妻彖揚旁妻三變兌傷諸商兌

六四外比之貞吉

變萃直升。○二應五而遠。恐其徇外。故以自內爲貞。四承五而近。恐其係內。故以外比爲貞。

象曰外比于賢以從上也

稱賢以別于匪人。從上猶坤所謂從王事也。○升對豫。豫四變坤。賢取坤。從上見訟。

九五顯比王用三驅失前禽邑人不誠吉

變坤直困。困五變解。綜屯三驅取屯。爻三馬。解對履。前取履旁。卦曰後夫。爻曰前禽。蓋畫卦則上最後。以爻位觀之。上又在五前也。一陽居尊。其道大

光。網開三面。前禽任失。邑人安居。所謂比吉此也。

○前說文肯。从止在舟上。

象曰。顯比之吉。位正中也。舍逆取順。失前禽也。邑人
不誡。上使中也。

逆謂上。上逆下順也。困錯賁。賁綜旅。舍取賁爻。取
旅爻。坤五直泰對損。使取損爻。

上六比之无首凶

變觀直井。无首見乾。乾无首則吉。剛而能柔也。比
以五爲主。顯比有首出之象。上六陰柔。則无首而

凶也。

象曰比之无首无所終也

觀對艮。坤以大終。艮以厚終。惟比无所終。占得此者當如之何。法坤之用六永貞。則亦符本卦之永貞无咎也。此大易九六之用。所以變化不窮。

字初

傾

否升小過
上階五妣二

孔繁階

節皆

泰四解豐巽
說卦離坤

偕

乾三

上損

面

彖字

原

比○說文原水泉本也从巛出厂下篆文原

泉

五并永坤比○訟初萃

三

比○

寧

比○兌四

方來

比○

方

坤二鼎三既防小過

夫

比○蒙三小畜三隨二

三

孔

繫

泉

行

履初

得願

漸五

中心

願

孚二

中

永

妹

寧

屯象

方

例

有

乾

夷

震

夫

豫二乾五

初

坤

二

中

漸

三

三

孔

繫

泉

蒙

張其詔

受業

涂際陞

校

受業

晉自誠刊

趙炳揚書

周易屬辭卷二